



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

11. Metall. fod. cur aurum ex iis no[n] effod.

urn:nbn:de:hbz:466:1-10757

scripta est, donec indidem ad nos explicatus ars illa perforatur utique vsu optabilius quam scitu. Ceterum haec tum nauigatio tum fluvialis inhabitatio, quantum iucunditatis, & commodi, tantum habet ingentis periculi, ne modica in latus proclinatione versae naues subsidant & mergantur. Periculi causa est aerium imprimis, malorum deinde trium aut quatuor (nam tantis agendis molibus unus non sufficit) ad captandum ventum excelsitas, itaque si fatus violentior, incubuerit velis repentinus, conclamata res est, nauesque necessariò eversae sorbentur; quin nec illas noctu audient stationibus credere majorum fluminum, vel etiam minorum fauibus, ne vndarum impulsu paulo grauiori subuersae pereant. Sed (quod vidit Matthæus Riccius dum proximo Iantio Nanchinum nauigat) post occasum solis, subducunt se in unum ex confluentibus in Iantium fluuii, & dum illuxerit in opero hærent, non creant hoc nauibus discrimen auræ vela inflantes, semper enim velis vtruntur planis, & pandis, neque ex cannabe aut lino, sed ex herbae cuiusdam longiori fronde tritaque contextis.

^{III.}
Metall.fod.
cur aurum ex
iis nō effod.

Ad opportunitatem iterum, commerciorum, & feracitatis, quam Sinis suppeditant flumina, adiungendus est quæstus ex mercium diribitione qua ditant extraneos, & vicissim ditescunt. Quanquam iis affluant adeò largiter, ut possint externis carere. Metallis abundant omnibus, sed vetant aurum è terra effodi, experti fortassis ex aperta humo inhalari vapores, salubritatem cœli sui pessimè afflaturos, quam in nullis, suorum annalium legunt vñquam fuisse pestilitate vitiatam; & quidem hoc mirabilius quod sitis ad austrum Prouinciarum oris pro pane est, aluntque illam aquarum iacentium perpetua irrigatione; Aquilonares tamen frumento & milio vtuntur, quamobrem alij verosimilium lege cautiuim volunt venas auri tentare; non metu æctis infestandi, sed latronum, quos numero æctos & viribus, nec iam nisi iusto prælio vincendos præda furor agebat ad fodinas; indeque direptis omnibus, inexpugnabilia montium repetebant, quibus sceleratorum nidis videbantur auri officinæ sudare, eorumque suis laboribus & sumptu augere potentiam; cui, ut postea constabit, tam obnoxiae sunt Prouinciarum omnes ut sibi magis ab intestinis prædonibus timeant quam ab extraneo, & hoste. Adferri metalla quod attinet, eius copia quanta sit vel hoc unum probet quod P. Iacobus Rho, anno 1629. testatur sibi occurrisse, transmittentem nemirum viginti dierum itinere tam excelsos montes ut Alpium iuga præ illis colliculi viderentur, incidisse se passim in crebras coquendi, fundendi, elaborandi ferri officinas, id ferrum iisdem è montibus erui, elaborati ferri quotidianum pondus, de fabrorum manibus exiens mille iumenta onerasse. Ad hæc omnis generis plantarum, & fructuum feracitas, præstantia, varietas, ut vñquam alibi gentium, excellens; arborum autem quæ nobis vernaculae si qua Sinæ carent, ut forte amygalo, hanc pensat affatim casia seu cinnamomum, piper, palmæ crocus, & alia nobis peregrina; illic sitis ad austrum propria; vnum inter

inter hæc valde mirum, quod oliuam, & vitæ flocci curant, cum possint his quoque, si volunt affluere, cœlumque illorum Hispano, Italo, Græco & Siculo, bonitate graduque respondeat. Oleum ex granis diversorum seminum exprimunt, quod quanquam insipidum plus sapit iis optimo oliuo. Ex granis item & frugibus potum premunt maximè generosum; sed iis, opinor, cum præ meliori, promptius, & securius placuerit, idem postea veluti proprium adamarunt. Hinc vites, & viña exotica, lectissimaque præ suo illo spernunt. Longe absurdius apud illos, ad lauta quoque conuiua, venales canum, & equorum carnes publicè prostare; idque veteri ex more, ob quem olim hippophagi dicti sunt, cum tamen iis maior, quam in Europa volucrum omnium, & animantium abundet copia, etiam ferarum imo & tigrium, quotidianiis autem mensis porcina domestica visitatior, & salubrior est, ob superuacaneum id pingue quo apud nos difflit, cœli, aut pabuli conditione emendatum, apri cerai, & similes feræ vteumque aëtimantur, ad victimum raro adhibentur, cum enim Sinenses nisi talaribus nunquam induantur eorumque pars optima, vnis ferè literis glorietur, venatione nec afficiuntur, nec admodum valent. Iacet item ars pastoritia, quod nec lanis ducendis neque texendis dent operam, sed quod ex triplici pecoris tonsura prouenit in coætilia subigant: alia ex lana quam capræ mollissimam ferunt pannos elaborant. Præter hanc lanugo quædam interior ab iis in impilia cogitur tam delicata ut tactum fugiant, & se facillimè corpori applicent. Hæc ob raritatem, & pretium, soli induunt opulentii. Linum & cannaben contemnunt, quippe in gosipio & sericis toti:foris gosipij semina quingentis hinc annis acceperunt, quorum primi satus tam prodiga soli creuere vberate, ut breui Sinas ditauerint. Inuentum serici ad annos referunt ante Christi aduentum bis mille octingentos quod ex probo temporum calculo in annum incideret ante diluuium vniuersale quadringentesimum. Per me quidem ut lubet certetur de tempore, quo primum Sinenses dicti sint Sericani. De immensitate serici, quæ hoc nomen iis fecit, minor planè vero est omnis fama. Non quod ut vulgo est creditum ex arboribus colligatur, nisi locis quibusdam vbi genus bruchorum, quacumque ruri infederit filis inficit saliurum, ex quibus texuntur panni viles, sed diuturni vñus. Commune sericum bombycum opus est, quibus Sinæ alendis moros infinitas quæ iuris vñusque sunt publici, vere, ac æstate foliis exuunt, illic enim per annum bombycum duplex est foetura, sed verna serici ob teneritatem foliorum mollioris, æstiva rudior, ob eorumdem siccitatem. Fuit qui scriberet ex Prouincia tantum Cechiana, quam ex orbe reliquo vniuerso, plus Sericorum legi. Comparatione probatu difficult, nec minus quod alij afferunt, pluris nobis lanea decuplo quam Sinensibus serica; constare; vnoque in solo Nanchinensi textorum ducenta millia quæ sericis quæ Bombycinis occupari; sed hinc nihilominus non ægrè coniscitur vtriusque materiæ vis ingens, ex quo

B 4

12.
Sericum.